


法彙法


帖堂帖

神摘釋
品

目奇文







法帖釋文

劉次莊撰

編主五雲王

編初成集書叢

種二他其及文釋帖法

中華民國二十五年十二月初版

發行人

王

上海河南路

雲五

印刷所

商

上海河南路

務印書館

發行所

商

上海及各埠

務印書館

本館據百川學海本影印叢書
集成初編僅有此本原帖多闕
文故除第十卷末劉次莊題跋
兩則外不加句讀

歷代帝王名帖法帖

第

漢章帝書

晉武帝書

西晉宣帝書

東晉元帝書

東晉明帝書

東晉康帝書

東晉哀帝書

東晉簡文帝書

東晉孝文王書

東晉武帝書

宋明帝書

齊高帝書

梁武帝書

梁高帝書

梁簡文帝書

唐太宗書

唐高宗書

陳長沙王陳叔懷書

陳永陽王陳伯智書

第二

漢張芝書

後漢崔子玉書

魏鍾繇書

吳青州刺史皇象書

晉丞相張華書

晉丞相桓溫書

晉丞相王導書

晉丞相王敦書

晉中書令王洽書

晉司徒王珉書

晉司徒王珣書

晉侍中王廙書

晉太宰高平郗鑒書

晉侍中郗愔書

晉中書郎郗超書

晉尚書令衛瓘書

晉黃門郎衛恒書

晉太傅陳郡謝安書

晉散騎常侍謝萬書

第三

晉太尉庾亮書

晉車騎將軍庾翼書

晉太守沈嘉書

晉侍中杜預書

晉王循書

晉劉超書

晉散騎常侍謝璠伯書
晉黃門郎王徽之書

晉謝莊書

晉侍中司馬攸書

晉劉瓌之書

晉王坦之書

晉王渙之書

晉王操之書

晉王凝之書

晉征西司馬索靖書

晉侍中劉穆之書

晉尚書王劭書

晉車騎將軍紀瞻書

晉司徒王廞書

晉太守張翼書

晉陸雲書

晉海陵恭侯王邃書

晉中書令王恬書

晉太守山濤書

晉侍中卞壺書

晉謝發書

宋特進王曇首書

宋中散大夫羊欣書

宋太常卿孔琳書

齊侍中王僧虔書

第四

梁尚書王筠書

梁特進沈約書

梁交州刺史阮研書

梁征南將軍蕭確書

梁蕭思話書

梁蕭子雲書

陳朝陳達書

唐中書令褚遂良書

唐祕書少監虞世南書

唐率更令歐陽詢書

唐諫議大夫柳公權書

唐李邕書

唐諫議大夫褚庭誨書

唐尚書郎薛稷書

唐洛州刺史徐嶠之書
唐東宮長史陸柬之書

唐薄紹之書

第五

蒼頡篆書

夏禹篆書

魯司寇仲尼篆書

史籀篆書

秦丞相李斯書

秦程邈書

宋儋書

衛夫人書

古法帖

隋朝法帖

隋僧智果書

何氏書

蔡琰書

古法帖

僧懷素書

張旭書

古法帖

第六

晉王羲之書

第七

晉王羲之書

第八

晉王羲之書

第九

晉王獻之書

第十

晉王獻之書

法帖釋文第一

漢章帝

辰宿列張盈具海鹹河淡鱗羽翔龍師火帝鳥官人
皇始制文字乃服衣遐邇壹體罔談彼短無恃已長
尺璧非尚寸陰是競孝當竭力忠興溫若思慎終宜
令學優登仕攝職從政都邑二京背芒面洛浮渭旣
集墳典亦

晉武帝

省啓知旣下瀕防具具揚州寒到有者比尚擬之動
靜更啓也數遣信還

西晉宣帝

之白阿史病轉差未皆外曹尚書云得書法

東晉元帝

安軍未報平和之如何深可爲事也

八月九日暮頓首忽中秋但有遠懷便微冷恒何如此殊不能佳惟勿得慰抱念及不多司馬暮頓首

東晉明帝康帝哀帝簡文帝文孝王武帝書
皆措法故不復釋

宋明帝

鄭脩容有兄喪今成服汝可令汝內人知之再報休
祐休範二家內人知也或報

齊高帝

吾今至破堞在路粗可尋還遲見卿不遠願信知卿
深意也

梁武帝

數朝脚氣轉動不得多有憂懸情也二謝處委曲復當有情故舊數有書問不可復有興也知何時再言話報之

梁高帝簡文帝

唐太宗

宵氣

參具

忌欲怕死

欲似死

遽操翰墨

故斯表意

為善之暇相足怡神

不知信復

今為北邊動靜

遣無

久嬰沈疾虛弊何言

昨日臨朝略無勞憊

不佳旦來何似

軒丘御宸

六相宣其景化媯水乘時五臣濟其鴻業

數日來氣發今日服一飲子不得相見

高宗

太子無事欲僻洛城西門仗聽更不須覆

陳長沙王叔懷

云須徹吾既不司此行極是園中梅始發既無工力
治未花之與徹今付此不多叔懷答自足何用此花

永陽王陳伯智

熟甚汝習讀爲勞吾疾劣遣不具伯智疏寒嚴比氣
力何似僕疾劣甚情想遇今信旨此不多陳伯智疏

法帖釋文第一

法帖釋文第二

漢張芝

知汝殊愁且得還爲佳也冠軍暫暢釋當不得極蹤
可恨吾病來不辨行動潛不可耳終年纏比當治何
理耶且方有諸分張不知比去復得一會不講竟不
竟可恨汝還當忍更就理一昨遊悉誰同故數往虎
丘不比甚蕭索祖希時面因行藥欲數處看過還復
共集散耳不見奴粗悉書云見左軍彌數論聽故也
今欲歸復何適報之遣不知總散 侍郎耶言別
事有及過謝憂勤

二月八日復得鄱陽等多時不耳爲慰如何平安等
人當與行不足不過彼與消息

八月九日芝白府君足下不日秋涼平善廣深彌邁
想思無違前比得書不逐西行望遠懸想何日不勤
捐業漂沒不當行李又去春送舉喪到美陽頃待伴
比故遂簡絕有緣復相聞餐食自愛張芝幸甚幸甚
崔子玉

賢女委頓積日治此爲憂懸惟心今已極佳足下勿
復憂念有信來數附書知聞以解其憂

魏鍾繇

吳皇象

文武將墜乃俾俊臣整我皇綱董此不度古君子即
戎從身昭其果毅尚其桓桓師尚七十氣冠三軍詩
人作歌如鷹如鷗天有泰一五將三門地

臣蒙言頑闇容薄加以年老凡百乖穢無所聞宜特蒙哀傷殊異之遇安感騎乘之權遊息之燕淳和足使忘軀命榮觀足以光心膺延望翹翹念在効報而

走垂湏終何才力以答新恩唯尚有借近趙走文過首貧尚尋天恩智方當私成無任顏愛自彌文唯

得書爲慰僕諸愴疾已甚暫是西卧歸還乃悉比將念反不具張華呈

桓温

大事之日僕在都謂無所復見慰勞又計時事也逐節郎來已具言意餘所慰勞諸相具答邊將粗當尔耳僕無所使治度意

王導

省示具卿辛酸之至吾甚憂勞卿此事亦不整忘然
書足下所欲致身處尚在殼中王制正自欲不得許
卿當如何導亦天明往

導白改朔情增傷感濕蒸自何如頗小覺損不帖有
應下懸耿連哀勞滿悶不具王導

王敦

敦頓首頓首蜡節忽過歲暮感悼傷悲今邑想自如
常比苦腰痛憤憤得示知意反不以悉王敦頓首頓
首

王洽

洽白辱告承問洽故爾劣劣冀以復叙還日不具王

洽再拜

洽白向感塞不成叙得告承問殊乏劣白不具王洽再拜

王珉

十八日珉白以二書暫至未更近問懸情不適似可不吾羸疾故爾憂深力書不具王珉敬問 得書至之吾亦

今欲出耳吾此月急遣廿四是王濟祖日欲必赴卿可尅過明吾當下解相待餐出亦遣報既至王家畢卿可豫檄光公令作一頓美食可投其飮也王珉相報

王珉

三月四日珣頓首未冬衆感得七月書知問即日何如秋弊憂之劣不具王珣頓首白

王廙

廿四日廙白唯久白想適妙來行未面遲想得示知同云冀何生相見近及不多王廙白

七月十三日告藉之等近日遣王秋書不言月行復半念汝 思不可堪居柰何柰何雨涼不差

嬖何如汝所患遂差未懸心不可言阿母蒙恩上下悉佳宜可行 瘡如復斷要取未斷愁人宜復具日發與別罔罔不可言今遣使未北反書不足白復會日消息廙疏

郗鑒

郝愔

九月七日愔報比得章知弟漸佳至慶想今漸勝食
進不新差難將適猶懸憂遣不具愔報

廿四日愔報比書想悉達日諒弟佳不及數字愔報
遠近何 王右軍竟去不付石首干一節

想親親悉如常敬豫何當來耶道祖故未善差恒在
尚書不見來多日

郝超

衛瓘

頓州民衛瓘惶恐死罪中闕音敬望想想懷在外累
年始爾得還情甚踊躍旦望州里上領節度明日乃
入奉說欣承福祚得白不具瓘惶恐死罪

衛恒

一日有恨知問未面爲歎欲七日去耶恒白

謝安

柰何柰何臨書悽悶

謝萬

汝等各可可知近聞邑邑吾涉道動下疾乏劣力及
不具具告父疏

法帖釋文第二

法帖釋文第三

晉庾亮

媿音氏又音啼弟江淮呼母也

庾翼

翬飛也音榻 吾哀勞何賴愛護時不足下頃氣力
熟若別時

沈嘉

嘉頓首頓首歲有感懷深寒切想各平安僕勞弊遣
不具沈嘉頓首頓首

杜預

十一月十四日預頓首歲忽已終別久益兼其勞道
遠書問又簡間得來說知消息申省次若言面

親故數移轉想祖父白具云也祖父如足下來言小
大云具絕汝親親也有信數附書信以慰吾心也

王循

七月廿四日循頓首秋月感思深得近示爲慰餘
熱比復可不僕疾患故爾不平復頓勿力書不盡王
循頓首

劉超

謝璠伯

此計江東精兵不可卒得唯當善養見者而事慮日
多如比來憂懷實已萬端

王徽之

得信承嬾疾不減憂灼寧復可言吾便欲往恐不見

汝等湖水泛漲不可渡遂復隔絕不然尋已往彼故
遣䟽知吾遠懷不具微之等告

謝莊

弟昨還方承一日忽患悶當時乃爾大惡殊不易追
企怛想諸治昨來已漸勝眠食復云何頃日寒重春
節至居患者無不增動今作何治眼風不異耳指遣
承問謝莊白呈左僕射

司馬攸

劉瓌之

瓌之頓首頓首末陽遠感聞知有患耿耿知以自屈
恨不相見力及不比望瓌之

王坦之王渙之王操之王凝之

索靖

載妖孽過威災第莫告咎臯陶士繩罪報鞠按
據號裁割辜戮蓋屈愬謾逆曲歸想輟寂闕爭念復
鞞鼓肆陳愛於琴瑟以詠歌其命禽爵翔榮獸
乃歌舞聲翳麗城越動飛走脉土處農姬業掌稷
七月廿六日具書靖白雖數相聞不解勞倦信具得
書云宅及計來東言展有期索靖白

劉穆之

所欲足下家弊耳倉卒無祿故推遷不得不相用事
已御出寧復吾所得迴復足下且當就之公還當思
更律啟申師情事也劉穆之白

王劭

紀瞻

瞻白昨信來
今蓋又貧家無以將意今粉二斗
少香所謂物微意全者也力書不多紀瞻頓首

王廐

張翼

廿三日
卿翼頓首節過冬懷得近書爲慰意以何
如深勞弊頓曳力還不具

陸雲

三月十六日雲白春節餘不適得示知足下平安爲
思面未如何由如何信數之及卿旣清遠可之經高
言人歎之當今征南取之也

王邃

王恬

得示知足下問吾故不差殊劣劣力不具王恬白

山濤

卞壺

足下佳不朝郎上獲諸誠文墨至便在舍事許改
愛子紙下物知此草勿令一人見也吾今勅書事令
不發亟付卿發發便密令人傳之壺白

謝發

未欲旨問悲酸悒悒想不久可得還耳執筆惻感

王曇

昨服散差耳然不過佳請和所宜如更增劇恐難爲
力耳未能令遺俗有餘念頓耳王曇答和南

羊欣

書欲何言

孔琳

日月深酷撫膺崩叫心肝分贈尋繹懊懷觸感隕絕
孤思悒悒自郡地最當柰何不孝柰何念痛悼難勝
得去月二示知君所患故爾不差甚有幽悒執盛比
復何似想已轉佳眠食極勝也善將治之孤子並疾
患歎具悒悒脚中轉劇近明敬未覺益殿頓何賴扶
力迷甚不次孤子孔琳柰何頓首

王僧虔

法帖釋文第三

法帖釋文第四

王筠

沈約

今年約垂

始得此

沈約白十一月十六日

阮研

道增至得書深慰已熱卿何如吾甚勿勿始過嶠今
便下水未因見卿爲歎善自愛異日當至上京有因
道增行所具少字不具阮研頓首

蕭確

故以孝事君則忠以敬事長則順忠順不失以事其
上然後能保其祿位而守其祭祀蓋士之孝也詩云
夙興夜寐無忝爾所生

蕭思話

一月二日思話白節近說寒切足下復何如比何一
涉道久當諸惡耶少首望近吾所患猶爾思話白

蕭子雲

陳逵

十二月廿五日逵白歲終感慘寒切足下何如遣不
悉陳逵

伯禮啓明願問訊足前許借
燾今遣請受願付
佳仰于悚息謹啓

褚遂良

諸何足言 更得汝狀 汝悉也

虞世南

率一兩日 訪問願爲奉答

賢兄處見臨樂毅論便是青過於藍欣抃無已數願
學且世南近臂痛發書不堪覩縷也虞世南呈十三
日遣書謹空得書爲慰可言也

潘六云司未得近問莫耶數小奴等計不日當有狀
來

歐陽詢

吳君何當至 定須寄信意 未能平復

極欲知君等

柳公權

未即展豁尚增 後使送往耶

李邕

褚庭誨

薛稷

徐嶠之

陸柬之

近得告爲慰上下無恙恙不得具興近問懸心得藥
書散勢耿耿嘗也

薄紹之

知弟定欲 江參軍 薄紹之白

法帖釋文第四

法帖釋文第五

蒼頡

夏禹

仲尼

史籀

李斯

程邈

宋儋

衛夫人

古法帖

兄子皆佳能數為也

隋朝帖

智果

奕奕皆有一種風氣 奕奕如有神力 豈須文譜
范懷約真書有分草書無功故知簡牘非易 志其
名 李斯見重一時耶

何氏

吞聲飲氣不勞頓爾他便生異議速自詳荅取竟勿
滯留也

去留深情故當所爾餘散輩停歲積故切思歸三月
下旬還非賒冀叙不遥 路行乃寂絕傷心

蔡琰

我生之初尚無爲我生之後漢祀衰

古法帖

孤不度德量力欲義於天下而措術淺短遂至昌
蹶然至于今日志猶不息君謂計將安出

亮白董卓已來豪傑並起跨州連郡不可勝數曹操
比於袁紹則名微而衆寡故能剋紹以弱爲強今日
擁百萬之衆協挾天子而令諸侯誠能不可與爭鋒
也

右帖四前二具載王獻之帖中此不復釋後
二帖亦與獻之筆法同

懷素

右軍云吾真書過鍾而草故不減張僕以爲真不如
鍾草不及張所爲世之所重以其能懷素書之不足
以爲道其言當不虛也

張旭

足下晚後不知疾痛如何深極憂難比也上下安之
必得發耶

得足下十五日問為慰僕前患差張旭書

古法帖

既移屋近西墻微援裏地成大寬援裏起小三架如
步廊政可一文梁得使二家通出入作門閣也此屋
之東故應作墻直步廊一壁太單空園中彌宜移三
間屋故當不甚難重複粗盡圖如別耳

足下既有意適閑曠亦當惡暑耶遊矚踈數慰對告
今少吾今年病垂耳始小差大小會使疾昏忽移日
耳每每深望遠言慰尚賒慨然玄過之音介忽忽

書復既與直人理略絕何緣復有周旋理長史斷闊
亦不減卿唯公事時相瞻望耳吾面信遂至今不著
不可解計至故應必有香但不知好惡云何耳須得

法帖釋文第五

法帖釋文第六

王羲之

適得書知足下問吾欲中治甚憤憤向它上靜佳眠
都不知足下來一甚無意恨不暫面王羲之

知欲東先期共至謝欲處云何欲行想忘耳過此如
命差涼君可不今日寔願不遲面力知問王羲之

比奉對對兄以釋豈一汝不可言未知集聚日但有
慨歎各慎護前與媿試求屏風遂不得荅爲也

奄至此禍情願不遂緬然永絕痛之深至情不能已
沉汝豈可勝任柰何柰何無由叙哀悲酸

日月如馳媿棄背再周去月穆大祥奉瞻廓然永
惟悲摧情如切割汝亦增慕省䟽酸感

兄靈柩垂至未惟崩慕痛貫心膺痛當柰何計
慈顏幽翳垂卅年而吾忽忽不知堪臨始終不發言
哽絕當復柰何吾頃至忽忽比加下

省別具足下小大問爲慰多分張念足下懸情武昌
諸子亦多遠宦足下兼懷並數問不老婦頃疾篤救
命恒憂慮餘粗平安知足下情至

旦夕都邑動靜清和想足下使還 時州將桓公

告慰情企足下數使命也謝無奕外任數書問無他
仁祖日徃言尋悲酸如何可言

伏想媿安和自下悉佳松上下至乖隔十八年復得
一集且悲且慰何指喻媿疾至篤憂懷甚深穆松難
爲情地自慰猶小差然故忽忽冀得涼漸和耳

諸從並數有問粗平安唯脩載在遠音問不數懸情
司州疾篤不果西公私可恨足下所云皆盡事勢吾
無間然諸問想足下別具不復一一

此諸賢粗可時見省甚爲簡遠須異多小患而吾
疾篤不得數爲歎耳

宰相安和殷生無恙時面兄當宣兄懷敢豆鼠傷
如佳今送能噉不

得足下旃薊胡桃藥二種知足下至戎鹽乃要也是
服食所須知足下謂須服食方回近之未許吾此志
知我者希此有成言無緣見卿以當一笑

秋中感懷異雨冷足下各可耳胛風遂欲成患甚憂
之力知問王羲之頓首

又不能不痛熙孝 政爾復何於求之度政當求之
內事餘理不絕求之一條當有冀不信罔然前途願
乙乙誨之以悟其心 疾不退潛損亦當日深豈可以
常理待之此豈常憂不審食復何如云肌色可可所
堪轉勝復以此慰馳竦耳

吾有七兒一女皆同生婚娶以畢唯一小者尚未婚
耳過此一婚使得至彼今內外孫有十六人足慰目
前足下情至委曲故具示

省足下別疏具彼土山川諸竒揚雄蜀都左太中三
都殊爲不備悉彼故爲多竒益令其遊目意足也可
得果當告卿求進少人足耳至時示意遲此期真以
日爲歲想足下鎮彼土未有動理耳要欲及卿在彼

登汶領峨眉而旋實不朽之盛事但言此心以馳於
彼矣

云譙周有孫高尚不出今爲所在其人有以副此志
不令人依依足下具示

嚴君平司馬相如揚子雲皆有後不

夫人遂善平康也足下各可不冀行復面王羲之頓
首

想小大悉佳蔡家賓至君情感益深唯當撥遣之耳
知足下散勢小差此慰無以爲喻云氣力故爾復以
胡怛想散患得差餘當以漸消息耳

吾頃無一日佳衰老之弊日至夏不得有所噉而猶
有勞務甚劣

昨得熙廿六日書云患氣懸情

知足下連不快何爾耿耿善將適吾積羸困而下積日不斷情慮尚深殊乏自力不能悉

小佳更致問一一適脩載書平安

羲之白奉告慰反側伏想比安和伯熊過見之悲駿大都可耳惟垂心羲之平平一日白比具羲之白送此鯉魚征與敬耶不在不乃邑邑不

月半哀悼兼至柰何柰何得告承復下懸耿至勿勿願不具王羲之再拜

今遣鄉里人往口言也行成旅以從是月也景風司至星火殷宵伯趙鳴而載陰爽鳩習而楊武時可以升高遠望禮可以出宿餞行有詔具僚爰開祖

廿二日羲之報近得書即日又得求興書甚慰想在道可耳吾疾故爾沉滯憂悴解日面近不具羲之報四月二十三日羲之頓首昨書不悉君可不腫劇憂之力遣不具

羲之頓首闊別稍久眷與時長寒嚴足下何如想清豫耳披懷之暇復何致樂諸賢從就理當不踈吾之朽疾日就羸頓加復風勞諸無意賴促膝未近東望慨然所冀日月易得還期非遠耳深敬宜音問在數遇信念遽萬不一陳

旦極寒得示承夫人復小效不善得眠助反側小爾復進何藥念足下猶悚息卿可不吾昨暮復大吐小噉物便爾旦來可耳知足下念王羲之頓首

卿與虞休意書有所問足下旨爲致誠答令旨意致來勿忘比意自決今以貧嚴知小大疾患念勞心

四月五日羲之報建安靈樞至慈蔭幽絕垂卅年永惟慕痛徹五內永酷柰何無由言昔臨紙摧哽羲之報

吾昨得一日一起腹中極調適無所爲憂但顧情不可言耳

侍中書書徐侯遂危篤恐無復冀深令人反側敬豫乃成委頓令人深憂

適 十五日問清和爲慰復得南後問不想二使速王之始興奴長就令人邑邑想無所至耳還具示問追尋傷悼但有痛心當柰何柰何得告慰之吾昨頻

哀感便欲不自勝舉旦復服散行之益頓乏推理
如足下所誨然吾老矣餘願未盡惟在子輩耳一日
哭之垂盡之年將無復理此當何益冀小却漸消散
耳省卿書但有毀塞足下念顧言散所豁多也王羲
之頓首

不得臨川問懸心不可言子嵩之子來數有使冀因
得問問示之

得袁二謝書具爲慰袁生斲至都已還未此生至到
之懷吾所也

想小大皆佳知賓猶爾耿耿想得夏節佳也念君勞
心賢姊大都轉差故有時嘔食不已至足言年衰
疾久亦非可倉卒大都轉差爲慰以大近不復服散

常將陟厘也此藥爲益如君言

適太常司州鎮軍諸人比五六書皆佳司州以爲平復此慶慶可言餘親親皆佳大奴以還吳也冀或見之

司州供給寥落去無期也不果者公私之望無理或復是福得大等書慰心今因書也野數言疏平安定太宰中郎

近因得里人書想至知故面腫耿耿今差不吾比日食意如差而髀中故不差以此爲至患至不可勞力數字令弟知問耳

疾患差也念憂勞王羲之頓首

想弟必有過理得暫寫懷若此不果役期欲難冀臨

書多歎吾不復堪事比成此書便大頓

九日羲之頓首節曰感歎深念君增傷灾雨君可也
僕可耳力數字王羲之頓首

定聽他母子哀此遂不還可令未也

適重熙書如此果爾乃甚可憂張平不立勢向河南
者不知諸侯何以當之熙表故未出不說說荀侯疾
患想當轉佳耳若熙自勉此一役當可言淺見實不
見今時兵任可處理

二謝在此近終日不同之此歎恨不得方回知幸知
幸後問令人怛怛

法帖釋文第六

法帖釋文第七

七月一日羲之白忽然秋月但有感歎信反得去月
七日書知足下故羸疾問觸者遠涉憂卿不可言吾
故羸乏力不具王羲之白

得都下九日書見桓公當陽去月九日書久當至洛
但運遲可憂耳蔡公遂委篤又加滯下日數十行深
可憂慮得仁祖廿六日問疾更委篤深可憂當今人
物眇然而艱疾若此令人短氣

謝光祿亦垂命可憂念二朝奄忽傷人懷今年彫落
可哀歎

但暑感懷深得書知足下故頓乏食差不耿耿吾故
爾耳未果爲結力不具王羲之

月半念足下窮思深至一不可居忍兩濕體氣各何如
參軍得針炙力不甚懸情當深寬割晴通省苦遣不
具王羲之白

長素差不懸耿小大佳也得敬豫九日問故進退
之深知念許君與足下意政同但今非致言地甚勅
勅亦不知范生以居職未以卿示輒便及之吾尚不
能惜小節目但一開無解已又亦終無能爲益適足
爲煩瀆足下呼爾不

每念長風不可居忍昨得其書既毀頰又復壯溫深
可憂謝生多在山不復見且得書疾惡冷耿耿想數
知問雖得還不能數可歎

初月二日羲之頓首忽然今年感兼傷痛切心奈何

柰何念君哀窮不已羲之皇恐

足下時事少可數來至人相尋下官吏不東西未委若爲言叙乖足下不返重遣信往問願知心素

吾恠足下參朝少晚不審有何事情致使如然也王羲之再拜

前從洛至此未及就彼參承願夫子勿悒悒矣當日緣明府共飲遂闕問願足下莫見責羲之頓首

十一月廿七日羲之報得十四十八日二書知問爲慰寒切比各佳不念憂勞久懸情吾食至少劣劣力因謝司馬書不具羲之報

十月七日羲之報前過足下所得其書想殊有勞弊然叔兄子孫有數人足慰目前情至取答委曲故其

示可令必達以副此志且山川甚有形勢遠想慨然
又出藥精要有驗信次可致當大惠也從弟分別吾
深憂慮卿女軼軻想何可處差充喜言不多耳羲之
皇象草章旨信送之勿三當付良信

遠婦疾猶爾其餘可耳今取書付想具

阮生何如此麤平安數絕問爲慰

羲之白君晚可不想比果力不具王羲之

得遠嘉興書計今日必度喜遲可言足下至慰今有
書想足下有旨信別告具之

云足下尚停數日半百餘里瞻望不得一見卿此何
可言足下疾苦晴便大熱 恒中至不易可得過夏
不甚憂鄉還具示問

得告承長平未佳善得適適君如常也知有患者耿耿念勞心食少勞甚頓還白不具王羲之再拜

足下小大佳也諸疾苦憂勞非一如何復得都下近問不吾得敬和廿三日書無他重熙往定爲善謝二侯省飛白乃致佳造次尋之乃欲窮本無論小進也稱此將青於藍

知比得丹楊書甚慰乖離之歎當復可言尋答其書足下反事復行便爲索然良不可言此亦分耳遲面具具

太常故患胛灸俞體中可可耳僕射事已行以表讓未知恕不未復司州旨告懸竦鄱陽歲使應有書而未得

向亦得萬書委曲備悉使人慨然見足下乃悉知叔
虎剋昨發月半略必至未見勞參軍者

熱日更甚得書知足下不堪之同此無賴早且乘涼
行欲往遲散也王羲之

知賢室委頓何以使爾甚助耿耿念勞心知得廿四
問亦得叔虎廿二日書云新年乃得發安石昨必欲
剋潘家欲剋廿五日也足下以語張令未前所經由
足下近如似欲見今送

七月六日羲之白多日不知問邑邑得二日書知足
下昨問耿耿今已佳也

期已至遲還具足下問耳當力東論道家無緣省苦
但有悲慨不得東此月問

信云舍子別送乃是北方物也何以欲此欲幾許
致此四紙飛白以爲何似能學不

月未必往遲見君無以爲喻

鄉里人擇藥有發簡而得此藥者足下豈識之不乃
云服之令人仙不知誰能試者形色故小異莫與嘗
見者謝二侯

昨見君歡後無喻然未善悉想宿昔可耳脅中云何
一善消息值周轉勝也耿耿疾患小差與弘遠俱詣
遲共寫懷王羲之

承足下還來已久欲參慰爲染患不能得往問眷
仰情深豈此委具一兩日少可尋冀言展若因行李
願存故舊今遇賢弟還得數張紙勞動幸不恠耳謹

此代申不具釋智未

此帖世多論爲差誤益

太宗皇帝取其書類右軍遂參列其間所以
貴之耳

太宗於草聖最爲深妙何乃特不曉此釋智
未字耶

雪候旣不已寒甚盛冬平可苦患足下亦當不堪之
轉復知問王羲之

知遠比當造次遲見此子真以日爲歲足下得審問
旨令吾

荀侯佳不未果就卿深企懷耳安好音信那可遇得
歸洛也計令解有懸休尋

知君當有分住者念處窮毒而復分乖尚可居情想
反理斷當

旦反想至所苦差不耿耿僕脚中不堪沈陰重痛不
可言不知何以治之憂深力不具王羲之頓首

深以自慰理有大斷其思豁之令盡足下勿乃憂之
足下殊當憂吾故具示問

晚復毒熱想足下所苦並以佳猶耿耿吾至頓劣異
涼意散力知問王羲之頓首

足下家極知無可將接爲雨遂乃不復更諸弟兄問
疾深護之不具王羲之白耳

僕近脩小園子殊佳致果雜藥深可致懷也儻因行
往希見比二處動靜故之常患馳情散騎擁轉利慶

慰姊故諸惡反側永嘉至奉集欣喜無喻餘可耳得
華直疏故爾諸惡不差懸憂順何似未復慶等近消
息懸心君並何爲耶此猶未得盡集理行大尅遲此
無喻龍保等平安也謝之甚遲見之

離不可居叔當西耶遲知問

知彼清晏歲豐又所使有無鄉故是名處且山川形
勢乃爾何可以不遊目

朱處仁今何在往得其書信遂不取答今因足下答
其書可令必達

愛爲退臨書但有惆悵知足下行至吳念達

彼鹽井火井皆有不足下目見不爲欲廣深異聞具
示足下今年政七十耶知體氣常佳此大慶也想復

懃加願養吾年垂耳順惟之人理得爾以爲厚幸但
恐前路轉欲逼耳以爾要欲一遊目汶領非復常言
足下但當保護以俟此期勿謂虛言得果此緣一段
竒事也

法帖釋文第七

法帖釋文第八

王羲之

羲之死罪小大悉以來未不可懷未復諮誨問懸情計實命行應至遲卞公遠具承問妹極得散力以爲至慰期等故爾耳因緣不多白羲之死罪

不審定何日當北遇信復白遲承後問

伏想清和士人能佳適桓公十月末書爲慰云所在荒甚可憂殷生數問北事勢復云何想安西以至能數面不或云頓歷陽爾耶無緣同爲歎遲知問運民不可得而要當得甚慮叛散

頓爲此足勞人意八日羲之頓首多日不知君問得一昨書知君安善爲慰僕似小差而疲劇昨若耶觀

望乃苦輿上隱痛前後未有此也然一日一昔勞復不極以此爲慰耳力不

鄉里人樂著縣戶今送其名可爲領受君頃就轉佳不僕自秋便不佳今故不善差頃還少噉脯又時噉麩亦不以爲佳亦自勞弊散係轉久此亦難以求泰不去人問而欲求方外此或速弊皆如君言

便大熱足下晚可耳甚患此熱力不具主義之上

此書因周常侍想必至

吾佳辨辨便知無復日也諸懷不可言知彼人已還

吾之猶有小小往來不欲來者其野近當往就之耳

不大思其方不見可久理而任之者悠然此可歎息

得西問無他想必人甚平安此粗佳玄度來數目爲

慰

中郎女頗有所向不今時婚對自不可復得僕德意君頗冷不大都此亦當在君耶發瘡比日疾患欲無賴未面邑邑反不具王羲之

得書知問腫不差乏氣忽忽面近羲之報

足下各如常昨還殊頓匈中淡悶干嘔轉亂食不可強疾高難下治乃甚憂之力不具王羲之

得書知足下問吾旣不佳賢內妹未差延期

須狼毒市求不可得足下或有者分三兩停須故示得書知問吾夜來腹痛不堪見卿甚恨想行復來脩齡來經日今在上虞月末當去重熙旦便西與別不可不知安所在未審時意云何甚令人耿耿

一昨得安西六月書無他無所知表亦復常言耳
闊轉久勞想豈舍知足下常得之卒未近緣如何足
下數令知問

十一月四日羲之曰冬中感懷深始欲寒足下常疾
何如不得近問邑邑吾故苦心痛不得食
虛頓力及不具王羲之白

周益州送此筇竹杖卿尊長或須今送不得執手
此恨何深足下各自愛數惠告臨書悵然

阮公故爾可憂時放恕大事今令速言何方守薦大
灸不得力而從事以至甚無計自必出唯須小佳鐵
石今出取救足下可復助旦令得通

家月末當至上虞妹亦俱去

此蒸濕難爲人得示知足下故爾堪行想不成病耳
吾至無賴行尅王羲之頓首

不得西問耿耿

近令送此宅圖云可得卅畝爾者爲佳可與水丘共
行視佳者決便當取問其賈謝生多在山下不復見
且得書疾惡冷耿耿想數知問雖得還不能數可歎
不審比出日集聚不一爾緬然恐東旋未期諸情罔
飛白不能乃佳意乃薦好此書至難或作復與卿

羲之白昨故遣書當不相遇知君還喜慰足下時行
想今善除猶耿耿僕時行以十一日而不保如此日
便成委頓今日猶當小勝不知能轉佳不積不卿至
劣劣力還不具王羲之白

不審復何似來日多少看未九日當採菊不至日欲
其行也但不知當晴不耳倫等還殊慰意增慨知足
下疾患小佳當惠緣想必能果遲此善散非直思想
而已也尋復有問足下以數示由爲諸力不具

月半哀感柰何柰何念邑邑罔極之至不可居處比
日何似痺差不悒悒力知 **王羲之頓首**

知彼乃爾切切汝乃獨坐但有憂邑懸遠不能得遣
人且吾無復久意果去當南視汝等也

一昨得安西六日書無他無所大說故不復付送讓
都共表亦復常言耳如見子書道嵩自必果今復與
書督之足下勅令至并與遠書也奉黃甘二百不計
佳想故得至耳船信不可得不知前者至不

尊夫人不和想小爾今以佳念累息卿佳不吾故劣劣力知問王羲之敬問

日五期結極以大先師之言皆著推此言之無驗如此事君當欲知故及宜停宅

先生適書亦小小不能佳太都可耳

三月十六日羲之白一昨省不悉雨快君可不萬石轉差也灸得力不得後問懸悒不知懷君云當有旨信遲望其至僕劣劣故遣不具還具示王羲之取卿女知耳爲長史沐種知何似耿耿

適欲遣書云得示知足下得涼以爲佳甚慰知多疾患念勞心吾故不欲食幾以爲事恐不可久邑邑思面行故果之王羲之

此郡之弊不謂頓至於此諸逋滯非復一條獨坐不知何以爲治自非常才所濟吾無故舍逸而就勞歎恨無所復及耳夏人事請託亦所未忽小都冀得小差頃日當何理

法帖釋文第八

法帖釋文第九

王獻之

相過終無復日悽切在心未嘗暫撥一日臨坐目想
勝風但有感慟當復如何常謂人之相得古今洞盡
此處殆無恨于懷但痛神理與此而窮耳盡此感深
殆無處常恨況相遇之難而乖其所同省告不覺
灌流既已往矣亦復何言獻之

諸舍復何如吾家多患憂面以問慰情不知可耳承
未嘉比復患下上下下諸疾患乃爾焦馳豈可懷不審
今復何如嫂即平和耳貞壽不成病不驚還慰姊意
今已嘗向發分張諸懷可言殊嘗復憂懸婢腹痛見
差不劉家疾患即差秀已還也

諸女無日事懸心阮新婦何日至慰姊目下

獻之死罪授衣諸感悲情伏惟哀慕兼慟痛毒難居
見徐隽并使君書承比極勝但承此凶問當復大頓
耳比日憂馳無復意不審尊體云何脚及可痛氣得
此哀號何如先大惡時灸創特不堪此不乃爲患眠
食幾許使君今地實難爲識然所以爲識政在此耳
獻之白奉別告承安和慶慰極冷不審尊體復何如
獻之比日如復小勝因夜行忽復下如欲作瘳今服
藥盡温燥理冀當可耳然異極都不得復小失和卿
惡亦不復得妄近生冷體氣頓至此令人絕歎行有
佳酒便服

想 悉佳汝復見諸女不此近下故爾耳

獻之白承姑比日復小進退其爾不得一極和憂悚
猶深不審以服散未必得力耳比麟相聞故云惡懸
懷使君數得書也

獻之白思戀觸事彌至獻之既欲過餘杭州將若比
還京必視之來月十左右便當發奉兄無復日比告
何喻願復盡珍重理獻之白

獻之白節過歲終衆感纏心伏惟同之奉月初告承
極不平復頭眼半體疥恒惡兄告說姊故殊黃瘦憂
馳可言寒切不審尊體復何如眠食轉進不氣力漸
復先耳遲復旨告獻之故爾獻之

願餘上下安和知婢日夕疏慰意育故羸懸心倪比
健也適奉永嘉去月十二日動靜故常患不寧諸女

無復消息獻之

再拜夏節近感思深惟窮號崩絕不可忍處晴快不
審體中何似食噉復多少甚馳情不審諸舍復何如
未復西動靜不寧此多患反側願深寬勉故承問
思戀無往不慰省告對之悲塞未知何日復得奉見
何以喻此心唯願盡珍重理遲此信反復知動靜
十二月廿七日具疏操之獻之再拜歲盡無復日感
思兼懷不自勝兄亦同之柰何柰何奉十二日告承
掾安和慰馳情姊三兄諸患故爾不損憂馳晴快不
審尊體並復何如遲復來告操之故平平已再服散
冀得力獻之亦惡憤勿謹拜疏不具操之等再拜
衛軍猶未平和而哀勞殊未得盡消息理常以不寧

僕射得散力甚慰表解臺職不知得恕不復冠軍告
懸企

獻之白兄靜息應佳何以復小惡耶伏想比消息理
盡轉勝耳礮石深是可疑事兄喜患散輒發癰勢爲
積乃不易願復更思獻之唯賴消息內外極生冷而
心腹中恒無他此一事是差但疾源不除自不得佳
論事當隨宜思之也獻之姊性纏綿觸事殊當不可
獻之方當長愁耳

獻之白不謂鄱陽一門艱故至此追尋悲惋益不自
勝奈何奈何政坐視其滅盡使人悲熟賴于高在此
不爾無可成獻之

阮新婦勉身得雄甚善散騎殊常喜也

雖奉對積年可以爲盡日之歡常苦不盡觸頰之暢
方欲與姊極當年之足以之偕老豈謂乖別至此諸
懷悵塞實深當復何由日夕見姊耶俯仰悲咽實無
已無已唯常絕氣耳

夏日感思兼悼切割心懷痛當柰何柰何得思道書
慰意薄熱汝比各可不吾並故諸惡勞益勿勿獻之

白疏

獻之白思戀轉不可言瞻近而未得奉見但有歎塞
遲諸攸還具動靜獻之白

白東告具天寶疾患問何其倉卒乏子孫常欣倫早
成家以此娛上下豈謂奄失此女愍惜深至惻切心
懷媿哀念當可爲心情願不可保使人惋惋悲政常

隨事豁之耳嫂先積弊復有此痛心不審不乃惡不
甚以憂馳眠食復多少願遣無益盡消息理

吾十一日發吳興違遠兄姊感戀無喻慶等別不可
言比奉告故多患姊經感極頓憂馳益深適諮議十
六日告風疾故爾反側餘可行未東動靜不寧吾宜
速吳與丞別兄進猶戀罔勞亦極惡馳情二女晚生
皆佳未復華姜疏比來得直疏故惡故足當視華也
汝兒女並可不

廿九日獻之白昨遂不奉恨深體中復何如弟甚頓
勿勿不具獻之再拜

承服腎氣丸故以為佳獻之比服黃耆甚勤平平耳
亦欲至十齋當可知

得書爲慰吾先夜遂大得服湯酒諸治漸相故頓極
難勞知足下便去不得面別快恨深保愛臨書增懷
王獻之

玄度時往來以此爲慰興公使適還數日具都下問
人情所憂良可歎息諸吳數問齡前來經日極爲差
云仁祖欲請爲軍司不知行不

慕容有易賴意耶

薄冷足下沈痼已經歲月豈宜觸此寒耶人生稟氣
各有攸處想示消息

益部耆舊傳令送想催驅寫取了慎不可過淹留吾
去月從孫家求信次頓爾頻爲亂反側錫大佳柳六
惠言餽可常餌亦覺有益耳

前告先以陳事意必是更有家信未知期說見德遠書所致人耶何可足下今耶

鬱鬱澗底松離離山上苗以彼徑寸莖蔭此百尺條世胄躡高位英隽沈下僚

一月廿九日告仲宗奉世諸兒禍變無常黃門墮背哀痛摧剥不自勝任柰何柰何及書感塞父姑告

念外甥欲問郗新婦更篤憂慮深

獻之白思戀轉不可言瞻近而未得奉見但有歎塞遲諸信還具動承冠軍故爾不覺轉勝矣無所覺憂馳深汝焦悚可耳

可必不耳企遲此大都如常秀順至慰意順心痛委頓焦勞諸舍不能集會深哽塞仰料靜婢自常不和

知從事甚簡致此佳也

法帖釋文第九

法帖釋文第十

王獻之

吾當託桓江州助汝吾此不辨得遣人船迎汝當具
東改枋三四吾小可者當自力無御迎汝故可得五
六十人小枋諸謝當有便是見今當語之大理盡此
信還具白胛痛可堪而以作書絕欲不可識

疾不退潛處當日深豈可以常理待之此豈常憂不
審食復何如肌色可可所堪轉勝復以此慰馳踈耳
消息亦不可不恒精以經心向秋冷疾下亦應防也
獻之下斷來恒患頭項痛復小爾耳

省前書故有集聚意當能果不足下小大佳不聞官
前逼遣足下甚急想以相體恕耳足下兄子以至廣

州耶當有得集理不念懸心也耳

近與鐵石共書令致之想久達不得君問以復經月
懸情豈可言頃更寒不適頗有時氣君頃各可耳遲
旨問僕大都小佳然疾根聚在右髀脚重痛不得轉
動左脚又腫疾候極是不佳幸食眠意事爲復可
冀非藏病耳

知鐵石前往快作樂諸君善處世一達於當年不復
過此僕端坐將百日爲尸居解日耳不知那得一散
懷何其相思之深臨書意塞

玄度何來遲深足人憂懸耶常謂有理因祠監多感
足下事甚善然所造極難想足下每思先後公豈須
言親親不已意耳安石停此過半日猶得一宿何物

喻之一十當浦送近道所以致歎陽諸懷兒不可言
且不復得卿送有諸歎今此貪上道忽動小行多書
夜十三四起所去多又風不差脚更腫轉欲書疏自
不可已唯絕歎於人理耳二妹復平平昨來山不差
靜政當還委曲前書具想勝常也諸人悉何如承冠
軍定入計今向達都汝奉見欣慶但恐停日不多耳
慶等已至也鶩差不甚懸心宜道尋去奴定西諸分
張少言

新婦服地黄湯來似減眠食尚未佳憂懸不去心君
等前所論事想必及謝生未還何爾進退不可解吾
當書問也

鴨頭丸故不佳明當必集當與君相見

不審阿姨所患得差否極令懸惻想東陽諸妹當復平安不審頃者情事漸差耶彼郡今載甚不能佳不知早晚至當遂至郡深想望

數奴此月唯省一書亦不足慰懷深悉足下情素耳七月二日獻之白孫權據有江東以歷三世國險而民附賢能爲用斯可與爲援而不可圖也益州天府之地高祖因之以成帝業荆州北據漢河利盡南海西連巴蜀東通吳會此用之國而其不能治天所以資將軍將軍既是帝室之胄信義著於四海來之大國誠難至也

鄱陽書停諸舍便有月未具散騎書知情至草草未發遣奉去月問承婦等復不能差深憂慮耳

獻之白不審疾得損未極憂及更能出入未前書云
至於散情嫂疾苦療得所深喜慰想必爲問敬和晚
際似差耶諸舍也能向諸弟各也

獻之白極熱敬惟府君此月內得書來時幾得問希
此消息極悶悶軍中復如何患曠不能漬意甚無賴
君有好藥必時復與府中多少極濟事耶

承冠軍故爾不覺轉勝灸無所覺憂馳深汝焦悚可
言

服油得力更能噉數麪只五六日停也不至絕艱辛
也足下明當必果想即日如何深想憶

近奉阿姑告知平安極慰人意獻之遂不堪暑氣力
恒憊恐是惡風大都將息近似小却

白承舍內分違近豫遂就難以喻痛濟理獻之白
復面悲積蕃首以不佳耿耿僕近動散委頓雖轉折
猶惓然發止尚以未定日冀以言首力還不復耳
還此今有書何以至不知諸舍故多患念勞以今差
也得領軍書故在風丹楊書常疾動耿耿亦足得鄙
陽近書爲慰丹楊疾者不果來甚悵恨
得西問不寢復云何令人邑邑具示

東家尚未欲下李參軍無政日有此議能自來此方
寸無使聞上極不妙之事獻之頓首

八月十九日具䟽操之獻之再拜昨日諸願悉達奉
奉告慰馳心極冷不審尊體復何如操之創故不差
常惡亦故爾憤憤獻之昨來復下如欲作瘳殊乏極

服石的丸莫得力謹謹不具操之等再拜

獻之白不審尊體復何如昨夜眠多少願盡寬喻理
憂馳可復言若得消息者獻之嫂等承更惡不審頃
痊復不必須散時終得力耶此藥甚佳想姊舉體不
能行履服遂差安西且無恙府君屬有和稀久滯行
路同人絕得此心故當攜其長幼詣汝上下知彼駱
驛有書示不足以慰吾意耶冬間必欲至足下所居
承使君明練不謂漸有勝也君散集驟然其大都可
耳吾止於月半間耶

鄱陽歸鄉承脩東轉有理吾賢畢欲事必俟勝歡慰
于懷耶吾終權宜至承今年饑饉仰唯年支都乏絕
不謂乖又至於此耶吾脚尚未差極憂也

獻之等再拜不審海監諸舍上下動靜比復常憂之
姊告無他事崇虛劉道士鷲群並復歸也獻之等當
須向彼謝之獻之等再拜

敬祖日夕還山陰與嚴使知聞頗多歲月今屬天寒
擬適遠爲當柰何柰何爾豈不令念姊遠路不能追
求耳

太宗皇帝嘗遣使購募古先帝王名臣墨帖
集爲十卷淳化三年冬

詔刊之後大臣登二府皆以賜焉歐陽脩云
往時禁中火災焚其板或云尚在但不賜元
祐四年臣得本於前金部員外郎臣呂和卿
命工模刻之後二年復取帖中草書世所病

讀者爲釋文十卷並行於時所以上廣

太宗皇帝垂意訓示天下後世之學者耳元祐七年五月十有九日前承議郎臣劉次莊謹題

太宗皇帝深於草書嘗論之智永帖中矣

眞宗皇帝亦善草聖

仁宗皇帝喜飛白飛白蓋王羲之以爲難而不敢自以爲善者

仁宗皇帝乃獨善之

英宗皇帝最喜書儒臣王廣淵以書得侍從神宗皇帝喜徐浩書熙寧元豐間天下化之臣爲宗正時聞

先帝大喜鍾王書天下復將化之而

先帝駕龍上天入太清矣七月八日臣次莊書



奇 摘 堂 彙

撰 佐 王

本館據百陵學山
本影印初編各叢
書僅有此本

彙堂摘奇一卷

海上學圃叟王佐朝輔

楚衡嶽神禹碑文

靖州軫野沈鎰重吾辨釋



承



帝



日



嗟



翼



輔

遺

惟佐

渚

處

烏

鳥

卿

卿

與

與

獸

獸

洲

水洲

登

登

之

之



明



魚洪



門



發



沙流



參



爾



而



身



岳



忘



興



麓



家



以



庭



宿



旅



弗



拆



智



辰



心



營



往



罔



形



求



平



定



華



嶽



秦



衡



宗



疏



羸鬱



游餘



事



塞



伸



裒



昏



榿



勞

制

昌衍

徙

食

言亨

南

備

衣

暴瀆



熊蒸永



寧



萬



奔



鼠竄



國



舞



道

此禹碑刻岫嶺山一曰刻雲密峯唐韓昌黎劉禹錫
宋朱晦庵張南軒皆訪求不得嘉定壬申何致子一
遊南岳至祝融峯下樵夫引經隱真屏三度小澗乃
達碑所得古篆七十七字碎曆紙摹之一畱自玩一
獻曹轉運彥約由是刻夔門觀中及岳麓書院後石
上嘉靖甲午長沙守新安潘君鎰得于岳麓小山草
莽中始搨傳之予乃約而登梓中釋沈軫野右釋楊
升庵予亦妄釋五字于左用質博雅君子詳考虞夏
心畫之奇云

禹碑又釋

虞帝曰禹興治雍熙永建夏邦受天之休克身帥兆
民明發丕奠九有暨禹棄岳絲庭伯益垂斯爰罔非
辰土地平天成望於衡宗執中哀和穆迪友邦羣后
惟用懌昌言於昭若猷萬國咸寧 恭拜嘉享

帝禹授禪玉冊凡五宗室益王得之其玉皆脩七寸
廣五寸厚一寸繞以雲雷龍鳳之文精細如髮後世
碾工莫及奇字古文與鉤帶雕戈紀功鐘一體石經
尚書諸字亦類此東碧玉第十句云望于岱宗南赤
玉曰望于衡宗西白玉曰望于華岳北玄玉曰望于
恒山中黃玉曰望于中岳餘則同漢人嘗摹赤玉文

刻之岫巖峯歲久剝蝕唐韓退之訪而不獲敞從益
府摹取委斯立至楚翻刻拓而大之以補漢人之舊
元豐元年二月四日清江劉敞記

右夏大帝巡狩柴望告卽位文此南嶽玉冊也唐李
陽冰少溫釋文宋劉敞原父考辨嘉靖乙丑南禺豐
公見示且柬曰劉原父禹碑釋文載宋綬賜書堂胡
世將資古堂帖楊升庵未之見也予今校前所釋尤
明順而奇與典謨相表裏謹用續梓以昭布于四方
謂非斯文之大幸歟仲夏望海鹽王文祿跋

漢滕公石礪銘



年



鬱



佳



見



三



城




白



千



鬱



此



滕



日



室



公



吁



居



嗟

按西京雜記曰滕公駕至東都門馬鳴蹶不前足跑地久之乃使士卒掘地三尺得石槨以燭照之有銘遂水洗寫其文文字古異莫能知問叔孫通通曰科斗書也今文釋之曰佳城鬱鬱三千年見白日吁嗟滕公居此室滕公曰嗟乎天也吾死其卽安此乎死遂塋焉此銘殆秦以前或上古所書乎乃逆知有滕公何數之神也夫數學起秦壹氏有秦壹雜子等書後世李淳風廖應淮皆明此學且此銘又與沈彬事同頗類術家地鈴豈古高士抱志終隱故神其術邪

吳季公碑

於乎有吳延陵君子之

墓

墓

於乎有吳延陵君子之

墓 孔子書

相傳爲孔子書或曰孔子未嘗至吳或曰吳人言子
游從孔子孔子慕札高風寄題之而傳之未可知也
今觀吳子二字類小篆有陵之墓四字類大篆於乎
延君四字甚奇古也予見一書釋首二字非於乎或
然也楊升庵曰大小篆三代以前通行非始于秦也
其然乎孔子道德文字之宗心畫之傳甚罕諸字帖
中間有之且無釋不可讀今觀此十字亦可以慰仰
止之私云



法帖神品目

楊慎撰

本館據函海本影
印初編各叢書僅
有此本

法帖神品目卷一

成都 楊慎撰 綿州 李調元校定

蒼頡二十八字

在北海

空同山堯碑

石虹山堯碑

在餘干縣凡三十八字

平陽山堯碑

巫山峯頂古篆

邑人向萬言云尙存

衡山岫嶺峯神禹治水碑

在長沙凡七十七字

小孤山禹刻

在楊子江中

廬山洞中禹刻

在廬山上霄峯詳見禹碑條下

陽明洞禹書

淳化閣帖禹書十二字

比干墓銅盤銘十二字

孔子書季札墓十字

在鎮江府

周宣王獵碣

卽石鼓文

周穆王東巡四字

在贊皇縣

以上古篆

見于模刻

大湫詛楚文

在渭

巫咸詛楚文

亞駝詛楚文

在靈邱亦李斯篆

嶧山頌德碑

在兗州

始皇詔書

在兗州

秦望山刻石

在會稽

之罘山刻石

可辨者十九字在登州

之罘山大篆

可辨者六十字在登州

始皇胸山碑

刻二世詔文

在高密

殘碑二十字

在登州衙

以上秦

周公禮殿石楹記

初平五年鍾會書在成都府

陽泊侯墓碑

在成都

李陵題字

在哈密馬駱山望鄉嶺石龕上

析里橋郝閣銘

建平五年李翁建在漢州

刺史李頓碣

在綿州

中宮令楊暢墓碑

在嘉州

沛相范史墓闕文

在劔州

王褒墓碑

在資州

周公禮殿記

蔡邕書在成都

蔡邕石經

趙殿撰家有遺字二卷

巴官鐵量銘

在巫山

以上漢
錄其畧

魏受禪壇記

梁鵠書
王明文

魏武帝大饗碑

子建文武帝篆
鍾繇書在亳州

魏受表

梁喆書黃初
元年在許州

了頭巖

草隸皇象書在
南京接官廡

魏郡公上尊號表

相國歆等四
十人鍾繇書

以上
三國

石柱文

太元十八
年在劍州

散騎常侍周處碑

陸機文王右
軍書在常州

西平將軍墓銘

王右
軍書

定水寺題

主右軍

嵇康石經

見世說注

以上晉

梁改墮淚碑

劉靈正書

天寧寺塔

在北京隋文帝時字

梁招隱寺刹下銘

蕭挹書普通三年在普州

以上南北朝

啟法寺碑

丁道護書

霓裳羽衣曲

黃旛綽書在河中府

崇徽公主手痕

在汾州

鍾離權草書

在順德府

孫真人養生銘

在嘉州

孫真人龜蛇大字

在耀州

說文字源

李騰篆在滑縣

龍鳴之寺

宋之問書在臨江

李太白碑

于郤文在綿州

天章雲篆

壽王清書在蜀州

韋臯紀功碑

在簡州

張仙師靈廟碑

在仁壽縣

大像碑

在嘉定

重陽亭銘

在劍州

光福寺楠木歌

在巴州

紫極宮記

賈島書
在普州

心經

歐陽詢
書譜

葛稚川像

在蒼溪縣雲
臺之書巖

吳大帝黃武二年刻字

在杭州
栗山

東晉孫文度鑄

在富陽
鷄籠山

秦始皇碑

在嘉興縣

石篆書二十六字

天冊元年
在海鹽縣

陽羨山天紀碑

雲麓漫抄云吳天璽元年陽羨有石
長十餘丈邵表爲瑞大赦改元爲天

紀立碑記之
字畫奇古

王右軍祠記

在戒珠寺

柳公權金剛經

在鄞縣一在含山縣褒禪寺

天台觀葛仙翁篆

在台州

追魂碑

在處州府李邕書在松陽永寧觀葉法喜求李邕書不得夜追其魂書之

初陽谷三大字

李陽水書在縉雲縣仙都山

唐武則天書明果寺額

在衢州

吳紀功三段石

皇象書在建康府

長沙善化縣四絕堂碑

沈傳歐陽詢書杜甫宋之問詩

天池寺周顛仙

在廬山其文如篆如籀

仙人草書

在安福縣

鄧隱峰詩

在口外
銀山寺

臨池禪院四大字

唐鍾紹京
書在贛州

繡巖堂碑

米元章書
在盱眙

義帝碑

在永州

天皇元年餽碑

在永州
瑄巖

左史倚相碑

在松江
右軍書

石壁篆文

夏禹書在平
江縣昌江山

舜井斷碑

秦時隸書
在隨州

安祿山題碑

在蓬州

以上
雜碑

東晉簡文帝慶賜帖

宋明帝鄭修容帖

梁武帝脚氣帖

唐太宗敦庾信體詩

唐高宗過午帖

唐高宗叔藝帖

砥柱銘

唐薛純陀
書在河津

唐武后蚤春夜宴詩

陳長沙王梅發帖

宋高宗書文賦

模褚遂良

宋寧宗書瀟湘八景詩

以上帝王

羲之蘭亭帖

樂毅論

東方畫讚

霜寒帖

秋中感懷帖

二謝帖

官奴產後帖

多渴筆

發瘡帖

絕妙

阮生帖

裏鮓帖

快雪時晴帖

破羌帖

一名王略帖此帖草法極工

冬中感懷帖

十七帖

二十七條

敬和在彼帖

疾尙綴綴帖

章草

以上

右軍

杜度章草

文八十五字

張芝八月九日帖

鍾繇昨疏還示帖

墓田丙舍帖

皇象文武帖

顏闈帖

王導改朔帖

王敦惜節帖

王洽號毀帖

王珣衆感帖

投老殘年帖

無名氏

宋宣和手詔石刻

在廣西

謝安八月五日

米芾曰在慰問帖之上

王徽之湖水帖

新月衰摧帖

月終帖

唐詩人餞鍾輅卷

慎得之雲南後爲盜所竊

王獻之洛神賦十三行

違遠墳墓帖

王獻之書

闕

明語

章草極工

相過帖

奉對積年帖

王僧虔劉伯寵帖

南臺帖

二帖
妙

薄紹之叅軍帖

宋儋接拜帖

以上淳
化諸帖

法帖神品目畢